

philosophicam cum judicio colligere, sed collectam etiam discipulis suis per compendia exponere velimus, non tanquam perfectam ac omnibus suis numeris absolutam, sed imposterum etiam, prout evidentior experientia aut ratio manifestior jusserit, etiam hic ibi perficiendam corrigendamq;; non ex magistri autoritate, sed ex allatis ab ipso rationibus ( quantum has ea ætate capere possunt ) aestimandas, & post-hac maturescente judicio ex ipsis fontibus, à Præceptore indicatis dijudicandam. Scilicet serperastris coercere lapsantes iturientium infantum gressus, manuducere pueros, ac præcipites ingredi jam doctorum cursus moderari, laudabilis est adultorum prudentia; sed nunquam velle eos incedere solitarios, ætate nulla, nisi ductoribus & comitibus stipatos obambulare, aut extra paternas ædes prodire, delira certè ac ridicula foret providentia. Etsi non displiceat regula, *Discentem oportet credere; huic tamen conjungendum est, Oportet jam edictum iudicio suo uti, scitè pariter & prudenter dicit Verulamius de Augm. Scient. Lib. I. Eleganter enim Aristoteles ( ita idem ejusd. operis Lib. III. ) Infantes primò balbutientes quasvis mulieres appellare matres, post autem propriam matrem discernere. Sic certè puerilis experientia omnem philosophiam appellabit matrem: adulta verò matrem veram internoscet.* De cœtero, si quis existimet Aristotelis interpretes minùs vel ab invicem, vel à Magistro suo dissentire, quam sectas cœteras, is oppidò sanè fallitur. Ausim profectò posito pignore decertare ( quod & è medio Peripato Viri Docti complures affirmant ) plus consensus inter Aristotelem aut antiquam Græcorum interpretum Philosophiam & modernorum hypotheses in quamplurimis reperi, quam inter eandem & Scholasticorum interpreta menta; & qui horum scripta futili subtilitate, tricisq; inexplicabilibus passim referta non observavit, in recentiorum lucubrationibus autem omnia plana magis & clara & dilucida